



CYLCH MEITHRIN TONNAU BACH

# DATGANIAD O DDIBEN

CYLCH MEITHRIN TONNAU BACH

## DATGANIAD O DDIBEN

### GWYBODAETH CYFFREDINOL

Mae Tonnau Bach yn ddarpariaeth newydd yn Ninbych y Pysgod yn dilyn sefydlu Ysgol Gymraeg Hafan y Môr yn y dref ym Medi 2016. Mae'r galw am addysg Gymraeg wedi cynyddu a niferoedd yr ysgol yn tyfu bob tymor. O ganlyniad i'r galw yma am addysg gynradd Gymraeg mae Cylch Ti a Fi eisioes wedi cael ei sefydlu yn yr ysgol ac yn boblogaidd iawn gyda rhieni a phlant oed cyn –ysgol. Yr ydym drwy Tonnau Bach felly yn ymateb i'r galw am ddarpariaeth gofal ac addysgiadol i blant 2 – 3 oed.

Mae Mudiad Meithrin yn ddarparwr gofal ac addysg blynyddoedd cynnar cyfrwng Cymraeg yng Nghymru. Pwyllgor o wirfoddolwyr sydd wedi ymaelodi a Mudiad Meithrin sy'n darparu'r gwasanaeth yma o fewn Ysgol Hafan y Mor. Gelwir y ddarpariaeth gofal dydd yma yn Cylch Meithrin Tonnau Bach. Mae'r ddarpariaeth yn dilyn canllawiau'r Mudiad ac mewn cysylltiad cyson gyda Swyddog Cefnogi'r Sir. Mae'r ddarpariaeth hefyd wedi ei gofrestru gydag Arolygaeth Gofal Cymru (AGC) ar rif uchafswm o blant y gellir eu gofalu amdanynt yw 19.

Blaenoriaeth Tonnau Bach yw hapusrwydd a diogelwch pob plentyn – cynigir y gofal gorau posib mewn awyrgylch hapus a chartrefol, y cyfle i bob plentyn ddysgu trwy chwarae ac i ddatblygu i'w lawn botensial. Mae'r ystafell lle cynhelir y ddarpariaeth yn cynnwys offer, teganau ac adnoddau sy'n adlewyrchu anghenion, datblygiad ac oedran y plant. Cyflwynir gweithgareddau i blant 2 oed a throsodd, sy'n hyrwyddo'r Cyfnod Sylfaen 3-7oed (y cwricwlwm blynyddoedd cynnar cenedlaethol) er mwyn sicrhau eu bod yn cael y cychwyn gorau posib ymhob agwedd o'u haddysg. Byddwn yn rhoi sylw manwl i gynllunio gweithgareddau allanol er mwyn cynnig cyfleoedd a gosod pwyslais ar weithgareddau ysgogol i blant yn yr awyr agored.

#### **Staff.**

Mae staff cymwys a phrofiadol yn gyfrifol am sicrhau fod pob plentyn yn derbyn gofal a sylw tyner a phriodol. Mae rhaglen o ddatblygiad personol parhaus mewn lle i sicrhau fod pob aelod o staff yn datblygu eu sgiliau er mwyn sicrhau gofal ac addysg o safon uchel.

Mae'r staff felly yn mynychu cyrsiau hyffoddiant yn gyson (yn cynnwys Cymorth Cyntaf, Diogelu Plant ac Hylendid Bwyd) a ddarperir gan y Cyfnod Sylfaen, Mudiad Meithrin a Phartneriaeth Plant Sir Benfro.

Mae pob aelod o staff â thystysgrif GDG cyfredol (Gwasaneth Datganiad a Gwahardd)

Mae trefniadau staffio'r Cylch yn cydymffurfio a rheoliadau'r AGC, fe fydd y nifer cymwys o staff i bob plentyn yn ystod pob sesiwn sef 1 : 4 plentyn 2 oed ac 1 : 8 plentyn 3 oed.

<b>Arweinydd -</b>	Angharad Davies - NVQ 3
<b>Dirprwy -</b>	Lowri Morgan – NVQ 3
<b>Cynorthwyyr -</b>	Tyler Szura – NVQ 3
<b>Cynorthwyyr -</b>	Jess Prince

#### **Nod ac Amcanion**

Nod Tonnau Bach yw rhoi cyfle i bob plentyn fanteisio ar wasanaethau a phrofiadau blynyddoedd cynnar trwy gyfrwng y Gymraeg. Rydym yn credu bod chwarae yn sylfaenol i ddatblygiad plant yn gorfforol, yn emosiynol, yn ieithyddol, yn gymdeithasol ac yn ddeallusol. Byddwn yn sicrhau pob cyfle posibl ar gyfer dysgu trwy chwarae. Rydym yn darparu gofal ac addysg i blant 2 oed hyd at oed ysgol o dan ofal staff cymwys a phrofiadol mewn awyrgylch deniadol, cyfeillgar a Chymreig. Mae hapusrwydd pob plentyn yn flaenoriaeth i ni. Caiff pob plentyn gyfle i gymryd rhan mewn amrywiaeth o weithgareddau fydd yn hybu pob agwedd o'i ddatblygiad mewn awyrgylch hapus a diogel.

#### **Gwasanaethau a Gynigir.**

##### **Plant 2 oed. Cylch Meithrin Tonnau Bach –**

Bydd y Cylch Meithrin boreol ar agor i blant 2 oed, am sesiynau o 3 awr bob Bore Llun – Gwener o 8:45yb – 11:45yp (Sessiwn trwy'r dydd – 8:45yb – 3:05yp £24 y dydd), dros 39 wythnos y flwyddyn heblaw am y

Gwyliau Banc, ac yn unol â gwyliau ysgol Cyngor Sir Benfro. Rhoddir rhybudd yngylch diwrnodau Hyfforddiant Mewn Swydd.

Codir tâl o £12.00 y sesiwn. Gall y sesiynau hyn fod yn hyblyg o ran diwrnodau ond i'w trafod gyda'r arweinydd o flaenllaw. Rhaid talu am ddiwrnodau yn absenol o'r Cylch oni bai am absenoldeb oherwydd salwch hir. Rhoddir byrbryd iachus yn cynnwys llaeth neu ddwr i'r plant yn ystod y sesiwn.

### **Plant 3 oed. – Sesiwn Prynhawn**

Bydd y sesiwn prynhawn ar gyfer plant tair oed Tonnau Bach ac yn rhedeg o 13.00 - 3.05 yp ac yn darparu gofal ar gyfer y plant 3 oed a fydd yn mynychu'r ysgol yn y bore. Mae cinio ysgol ar gael i'r plant os dymunir. Mae dwr i'w yfed ar gael i'r plant bob amser.

Y tâl wythnosol am y sesiynau prynhawn yw £40, neu £8 yn ddyddiol.

Bydd ffioedd y ddarpariaeth yn cael ei anfonebu yn wythnosol. Cynghorir rhieni i drafod unrhyw faterion ynghlyn a thalu'r ffioedd gyda'r arweinydd Miss Angharad Davies.

### **Cofrestrriad**

Mae'r Cylch wedi ei gofrestrri gyda Arolygiaeth Gofal Cymru (AGC) i ddarparu gofal dydd.

Y person a gofal o ddydd i ddydd yw: Miss Angharad Davies.

Y Person cyfrifol yw: Mrs Sioned King

### **Cyfeiriad y swyddfa AGC agosaf yw:**

AGC Rhanbarth De Orllewin a Canolbarth  
Adeiladau'r Llywodraeth  
Heol Picton  
Caerfyrddin  
SA31 3BT

**Ffôn:** 0300 7900126

**E-bost:** [ciw.southwest@wales.gsi.gov.uk](mailto:ciw.southwest@wales.gsi.gov.uk)

### **Derbyn**

Pan yn cofrestri eich plentyn ar gyfer unrhyw sesiwn bydd disgwyl i bob rhiant gwblhau ffurflenni cofrestru a chytundebau cyn i'r plant ddechrau.

Yr ydym yn cydnabod y pwysigrwydd o gydweithio rhwng staff a rhieni i sicrhau bod y plentyn y cyfarwyddo ac yn ymgartrefi mewn i'r lleoliad. Ymateb i ofynion pob plentyn fel unigolion yw ein dyletswydd. Bydd cyfle i rieni aros am ran o'r sesiwn, yn ddibynol ar ofynion y plentyn.

Ni ryddheir unrhyw blentyn i oedolyn os nad ydynt wedi eu hadnabod ar y ffurflen casglu plentyn. Os oes newid i'r drefn disgwylir gwybodaeth gyflawn gan y rhiant pan fydd yn dod a'r plentyn i'r cylch.

Mae copiau o Bolisi Derbyn, Polisi Amddifyn a Pholisi Canmol a Chwyno y Cylch ar gael i unrhyw riant gael eu gweld ar unrhyw adeg. Mae'r polisiau yma, ynghyd a holl bolisiau'r ddarpariaeth ar gael wrth ofyn i aelod o staff am eu gweld.

### **Amddiffyn Plant**

Yn unol â pholisi Amddiffyn Plant Cylch Meithrin Tonnau Bach tynnwn eich sylw at y ffaith ei bod yn ddyletswydd ar y staff i drosglwyddo gwybodaeth am unrhyw amheuaeth o gam-drin plant at y Gwasanaethau Cymdeithasol, NSPCC neu'r Heddlu.

Dyfyniad o'r Polisi:

*'Os yw Arweinydd /Staff yn amau fod plentyn yn cael ei gam-drin o ganlyniad i arwyddion corfforol ar y plentyn, arwyddion ymddygiadol neu honiad gan y plentyn ei hun, bydd Arweinydd y cylch yn gweithredu ar unwaith trwy gysylltu â'r Swyddog ar Ddyletswydd yn swyddfa leol yr Adran Gwasanaethau Cymdeithasol a/neu'r Heddlu neu'r NSPCC. Cyfrifoldeb yr Arweinydd fydd cadarnhau hyn yn ysgrifenedig o fewn 48 awr. Bydd hefyd yn hysbysu Person Cyfrifol y Cylch ac AGGCC.'*

## **Angehnion Ychwanegol**

Mae Cylch Meithrin Tonnau Bach yn ymrwymo i ddarparu cefnogaeth priodol i ateb anghenion pob plentyn. Rydym yn cydweithio â Chynllun Cyfeirio Sir Benfro i sicrhau bod mynediad i bob plentyn sydd am fynychu'r lleoliad.

## **Yr Iaith Gymraeg**

Mae'r ddarpariaeth yn gweithredu trwy gyfrwng yr iaith Gymraeg ac yn dilyn polisi iaith Mudiad Meithrin ond croesewir plant o bob cefndir ieithyddol. Bydd y ddarpariaeth yn dilyn methodoleg y Dull Trochi.

## **Cyfleusterau**

Mae'r cyfleusterau a gynigir i'r plant a'u teuluoedd yn cynnwys:

- Ystafell braf gyda digon o ofod, wedi ei chynllunio i greu amgylchedd ysgogol a phwrpasol.
- Ardal gaedig ar gyfer paratoi byrbryd i'r plant.
- Sinc i'r plant olchi dwylo
- Toiledau a sinc penodol.
- Ardal newid cewynnau
- Ardal allanol

Mae gan y ddarpariaeth amrywiaeth o offer pwrpasol o safon uchel i hyrwyddo dysgu trwy chwarae. Mae amgylchedd y ddarpariaeth yn gartrefol a chroesawgar ac wedi'i gynllunio i hybu datblygiad plant. Does dim anifeiliaid anwes yn y ddarpariaeth.

## **Gweithgareddau**

Blaenoriaeth Cylch Meithrin Tonnau Bach yw hapusrwydd bob plentyn. Darperir gofal mewn amgylchedd diogel ac ysgogol, lle gall plant fanteisio ar amrywiaeth eang o weithgareddau a phrofiadau chwarae sy'n eu galluogi i ddysgu a datblygu i'w llawn botensial. Er mwyn sicrhau ansawdd bydd y ddarpariaeth yn derbyn arolygiadau gan AGC.

Bydd cyfle i'ch plentyn:

- Chwarae a chymdeithasu â phlant eraill
- Dysgu trwy chwarae tu mewn ac yn yr awyr agored
- Chwarae â thywod, dŵr, toes, tŷ bach twt, jig-sos, teganau, gemau bwrdd, beiciau ayyb
- Darllen stori, canu a dawnsio

Gweler hysbysfwrdd y rhieni yn y dderbynfa am fanylion pellach. Rydym ni'n croesawi eich syniadau ac awgrymiadau am weithgareddau pellach.

## **Bwyta'n iach**

Mae'r ddarpariaeth yn hybu Bwyta'n iach ac fe fydd y byrbrydiau yn iachus a maethlon. Bydd y ddarpariaeth yn cymryd rhan yn y Cynllun Cyn-Ysgol iach a chynladwy.

## **Rhieni / Gwarcheidwaid**

Mae'r ddarpariaeth yn cefnogi'r egwyddor o dderbyn barn rhieni/gwarcheidwaid a phlant ynglŷn â'r gwasanaethau er mwyn sicrhau bod y gwasanaeth bob tro o'r safon uchaf. Byddwn yn gwerthuso'r gwasanaeth bob blwyddyn academaidd a bydd cyfle i chi fel rhiant fod yn rhan o'r broses trwy lenwi Holiadur Gwerthuso Gwasanaeth (GG). Mae croeso i rieni hefyd fod ynghwm a phwyllgor gwirfoddol y ddarpariaeth i godi arian ac fe fydd y ddarpariaeth yn croesawi eich sylwadau a syniadau. Byddwn hefyd yn cynnal cyfarfodydd rhieni i rannu gwybodaeth â chi ynglŷn â'r gweithgareddau a gynigwyd i'ch plentyn a hefyd i drafod datblygiad a chyraeddiadau eich plentyn o fewn y ddarpariaeth.

## **Argyfwng Meddygol**

Petai plentyn angen triniaeth feddygol mewn argyfwng a bod y ddarpariaeth yn methu cysylltu â'r rhieni na'r personau cyswllt brys arall, byddwn yn gwneud trefniadau angenrheidiol i sicrhau diogelwch y plentyn. Mae arwyddo'r cytundeb gofal plant a'r ffurflen gofrestru yn caniatáu i'r ddarpariaeth wneud unrhyw drefniadau meddygol brys a allai fod yn angenrheidiol mewn argyfwng.

## **Trefn Canmol a Chwyno**

Rydym yn croesawu eich sylwadau am ein gwasanaethau fel y gallwn eu gwella yn ôl yr angen. Hysbysir rhieni/gwarcheidwaid ynglŷn â'r polisi a'r drefn o ganmol a chwyno cyn i'r plentyn gychwyn ac mae wedi ei gynnwys yn y pecyn croeso/rhieni ac ar gael ar hysbysfwrdd y rhieni.

Os ydych am gwyno am unrhyw agwedd o'n gwaith, dylech ddweud wrth Arweinydd y ddarpariaeth i ddechrau, ar lafar. Yna os nad ydych yn hapus yn fwy ffurfiol trwy ysgrifennu at y Person Cyfrifol neu drwy gysylltu ag AGC at y cyfeiriad uchod.

## **Iechyd a Diogelwch**

Mae'r ddarpariaeth yn cydymffurfio â gofynion deddfwriaeth Iechyd a Diogelwch gan wneud popeth sy'n rhesymol ymarferol i sicrhau iechyd a diogelwch pawb yn y Cylch, e.e. amddiffyn rhag yr haul, asthma, archwilio offer, hylendid bwyd, ayyb.

Mae'r ddarpariaeth yn sicrhau bod pob aelod o staff yn meddu ar Dystysgrif Cymorth Cyntaf cyfredol, ac yn mynychu hyfforddiant rheolaidd.

Trefnir archwiliadau blynyddol ar yr offer trydanol i gyd, ynghyd â'r offer Diffodd Tân.

## **Argyfwng**

Os digwydd argyfwng yn y cylch byddwn yn sicrhau diogelwch y plant ac yna'n cysylltu'n uniongyrchol â phob rhiant i gasglu eu plant.

Mewn sefyllfaoedd arbennig neu mewn achos argyfwng, efallai bydd angen cau y ddarpariaeth ar fyr rybudd. Os bydd angen cau ar fyr rybudd, bydd staff yn cysylltu gyda'r rhieni/gwarcheidwaid sydd wedi eu nodi ar Ffurflen Gofrestru Plentyn (P1) gan roi cymaint o rybudd ac sy'n bosib.

Os bydd angen cau mewn argyfwng yn ystod sesiwn y ddarpariaeth, bydd y staff yn cysylltu â'r rhieni/gwarcheidwaid drwy ddefnyddio'r rhifau ffôn cysylltiadau brys. Bydd y staff yn aros gyda'r plant nes eu bod yn cael eu casglu.

Cysylltir gyda'r rhieni/gwarcheidwaid i gadarnhau dyddiad ail agor y ddarpariaeth.

## **Damwain**

Darperir Llyfr Damweiniau a Llyfr Digwyddiadau yn y sesiynau. Os oes damwain neu ddigwyddiad difrifol i blentyn, gweithiwr neu ymwelydd o fewn y cylch, yna mae'n rhaid adrodd am hyn i'r Corff Gweithredol Iechyd a Diogelwch (HSE) yn unol â chanllawiau RIDDOR (Reporting of Injuries, Diseases and Dangerous Occurrences Regulations) o fewn 14 diwrnod ac i AGC.

## **Trefn Tywydd drwg**

Bydd penderfyniad ynglŷn â chau oherwydd eira'n ddibynnol os yw'r sir yn cau'r ysgolion ac os yw aelodau'r staff yn gallu cyrraedd y gwaith. Os penderfynir cau'r cylch bydd yr arweinydd yn cysylltu â'r rhieni trwy text, Facebook a galwad ffôn i roi gwybod iddynt.

Os bydd tywydd gwael yn dod yn ystod amser yy ysgol a'r ddarpariaeth yna bydd yr arweinydd yn gwneud y penderfyniad i gau neu beidio gan gadw'r canlynol mewn cof:

A yw hi'n ddiogel i rieni gasglu'r plant? A all y staff gyrraedd adref o'r gwaith?

---

Adolygir y Datganiad o ddiben bob blwyddyn gan Bwyllgor Rheoli y ddarpariaeth. Byddwn yn rhoi gwybod i AGC am unrhyw ddiwygiad i'r Datganiad o Ddiben o fewn 28 diwrnod i'r newid.

Bydd y datganiad o Ddiben yn cael ei adnewyddu fel bo'r angen ac yn cael ei wirio ar ddiwedd pob blwyddyn.

**Cyfeiriad Cylch Meithrin Tonnau Bach yw:**

Cylch Meithrin Tonnau Bach, Ysgol Hafan y Môr, Lôn Heywood, Dinbych y Pysgod, Sir Benfro, SA70 8BZ

Telephone: 01834 843248